

 RESIDENTIAL & COMMERCIAL ALUMINUM BUILDING SOLUTIONS N.V. io <i>Our products, your improvement</i>	 Aluminum Sliding Windows & Doors, Aluminum Swing Windows & Doors Sliding Gates Swing Gates, Aluminum Fences Aluminum colors available: White, Black, Orange, Green, Blue & Brown 
WE MANUFACTURE RESIDENTIAL & COMMERCIAL	Mon - Fri / 8am - 5pm / Sat. 8am - 12pm We Provide local supports, Good Quality & Service BALASHI # 67 Tel: 7309400

Ceremonia pa tuma despedida di e diseñador Arubano Percy Irausquin



STA. CRUZ /Den Haag – Na Uitvaartcentrum Zuid na Amsterdam a tuma lugar un ceremonia pa tuma despedida di e diseñador Arubano Percy Irausquin cu a fayece diahuebs siman pasa. Presente tabata Minister Plenipotenciario sr. Frido Croes y sra. Lourdes Croes-Figaroa, miembro di Tweede Kamer sr. John Leerdam y sra. Roosje Leerdam-Bulo, miembro pa Aruba di Raad van State sr. mr. ing Hubert Croes, director di ATA Europa, sr. Humphrey Vrolijk, omo di Percy sr. Ronny Maduro y otro familiarnan. Tambe algun artista Hulandes manera Leontien Borsato, Nicolette van Dam, Caroline de Bruin y Wendy van Dijk. For di e mundo di moda tabata presente e estilista y visagista Leco van Zadelhoff y Fiona Hering, comentarista di moda pa De Telegraaf y RTL Boulevard, hefe di redaccion di Beau Monde John Lukken y hopi amigo,

amiganan y conocirnan di Percy. Minister Plenipotenciario a hiba un discurso den cual el'a bisa cu e fayecimento di Percy tabata un shock pa su persona. 'Asina jong y ya caba e no ta entre nos,' asina e mandatario a bisa. Sr. Croes a bisa cu semper Cas di Aruba a sigui e carera di Percy y cu cada triunfo di Percy tabata un triunfo pa Aruba. 'E bunita di Percy tabata cu den tur entrevista e ta bisa cu e ta un Arubiano y cu su dushi isla ta inspire den su creacionnan.' E mandatario a menciona e comienzo di carera di Percy despues cu el'a gana e Frans Molenaar Couture Prijs na 2001 y a presenta su prome coleccion. Despues di esaki Percy a tene diferente shownan di moda cu a conta cu bon resencia den corantnan Hulandes. Tambe sr. Croes a menciona e hecho cu e aña aki e entrega di Oscar na Los Angeles tabata tin un toque Arubano na

momento cu e director Suzie Templeton a keda nomina pa un Oscar y a asisti na e evento den un creacion di Percy. Percy Irausquin a cuminsa cu su estudio di moda na 1990 na Breda. Despues el'a sigui Rietveld Academie na Amsterdam, unda ya caba el'a capta atencion cu su manera di pensa y diseña.

Segun e mandatario den su discurso, Percy tabata hopi stima cerca hopi artista Hulandes. 'Asina nos por menciona cu el'a diseña e shimis di bruid di Katja Schuurman y tanto Leontien Borsato como Chantal Janzen tabata bisti su diseñonan. Tambe Minister Marisol Lopez-Tromp tabata fanatico di Percy su diseñonan.' 'Aunque con stima Percy tabata ta como diseñador, tambe el'a encontra temponan dificil. Pero su perseverancia y talento, en especial e sosten di su hendenan rond dje a dun'e forza pa sigui cu su carera. Tambe Percy a soña di presenta su diseñonan den exterior. Nos nunca lo sa con un gran diseñador internacional Percy lo por a bira,' asina sr. Croes a bisa. Segun e mandatario

Percy Irausquin tabata cu su diseñonan e mihor producto di Aruba den exterior. 'Un mihor embahador di nos isla nos no por a desea.' Finalmente sr. Croes a desea e famia y tur su amigonan hopi forza den e dlanan aki y spera cu e bunita recuerdonan di Percy trece e consuelo nesesario.

Di parti di famia sr. Ronny Maduro a gradici tur hende pa nan presencia na e ceremonia. Sr. Maduro a recorda Percy manera su mesun yiu. El'a bisa cu semper el'a yuda Percy, a dune conseho y encurashe pa sigui su meta den bida. Despues di e parti aki tur presente por a tuma despedida di Percy Irausquin. E restonan mortal di Percy lo keda transporta pa Aruba unda e entiero lo tuma lugar.

